

_____	Anno	I°	1821. Vignetta
Vedi Variante B. 57. "		II	1824. - id
_____ "		III°	1827.
Vedi in fine la "		IV	1828. -
variante id Om.			

7652.

13 X 9

Tellini Jacobi 5^{II}

F

N.

CO





*Va Pronostich o fas in Poesie
Che cul timp e divan dug-quang, o peri.
Se braf Stroligh che al e chel diaul di Pieri:*

30 12 76

Il Skroligh Turlan

Prouostich par l'au

1821

di Pieri Loryt

UDIN

Par Liberal Vendram

Cun Licenze dei Superiors



di Pieri

SIG

Viene
ampl
quell
tra n
elega
E da
nevol
tivate
tiche
tica
gin
tore

AL NOBILE

SIG. GIROLAMO ASQUINI

PATRIZIO UDINESE.

Viene a ricovrarsi sotto l' ali del vostro amplissimo favore un Giornale scritto in quella *Lingua*, che non cede ad alcun' altra nè per forza d' espressione, nè per eleganza di frase, nè per poetica melodia. Ed a chi potrebbe esso sperare una più benevola accoglienza, che da Voi, che coltivate con tanto valore lo studio delle antiche lingue, e particolarmente della *Celtica*, dalla quale, non vi ha dubbio, origin trae la *Friulana*? Voi dunque conoscitore speritissimo del natto linguaggio vor-

rete, spero, degnare di un benigno sguardo questo primo parto d'una giovine M^{ettere} sa, che incoraggita dall' altrui eccit^{lumar} mento osa tentare una seconda via s^{patte} Friulano Parnaso. Fregiata dunque del v^{edizion} stro nome esce coraggiosa alla luce la m^{iclo So}ettere Operetta, la quale, ove ottenga, siccom^o spero, il pubblico compatimento, non la Sett^{rin di} scierà pentirvi di averla coll' ombra p^{asche} stra assicurata, e protetta. ^{ogazio} ^{scensio} ^{entecos} ^{S. Trin} ^{orpus} ^{ime D}


In attestato ^{timeve}
di altissima stima, ed ossequiat^{at -}
L' Autore. ^{utun} ^{nvial}

Metidis Generals de l'an 1819.

Forment	_____	L.	9:76
Sorc	_____	"	4:30
Siale	_____	"	6:06
Vene	_____	"	6:00
Sarasin	_____	"	3:86
Soross	_____	"	2:73
Spelte	_____	"	12:48
Uardi	_____	"	10:06
Mei	_____	"	7:88
Fasù	_____	"	4:83
Fave	_____	"	9:24
Linz	_____	"	7:51
Pizzu	_____	"	17:52
Vin	_____	"	18:58

D
L
C
E
V
C
Vio
E
M
P
S
E
S
P
U
C
C

INTRODUZION.



Da che l'è Mont, cui ch'è nassut pitoc
 L'ha dovut inzegnessi par vè il pan,
 Chest vivint cu l'industrie, e chel di scroc,
 E se no da minchion l'è muart di fan;
Vigilate, nus dis Omero istess,
 Chel cu j'è durmion no'l chiape pess.
 Viodint che lis entradis van al bass,
 E mi vègnin i guais a batajon
 Mediant une Sgualdrine del Parnass
 Hai di Apolo ottignut la protezion;
 E cun chest miez, chiar Sior Friul, mi crodie?
 Su lis sos spalis uei mangià la crodie.
 E dopo avè sudat un an intir
 Scartabelant ju Autors d'Astronomie,
 E de lis stelis osservant il zir,
 Un Pronostic o scrif in poesie,
 Che cul timp e diran duquang, o speri,
 Ce braf Strolig che al è cheldiaul di Pieri!

Cun ches^t porà ognidun cun sic^urezze
 Savè co 'l ven seren, e co 'l ven nul,
 Il viazator, oh Dio! ce gran belezze,
 No 'l varà paure di bagnassi il cul;
 Il contadin al ararà co è ore,
 Senza timor di dissipà la vore.

Al podarà cussi chel cortesan
 Par fa buine figure cu la biele
 Dispegnà co 'l ven fret il so gaban,
 E co 'l dure il bon timp vendi l'ombrele,
 E d' Unviar, e d' Istat, d' ogni stagion
 Secretamenti tigni su il balon.

Ca po anchie cu l' esempli il vizios
 Al metarà pentit la man al pet;
 Ca il marit pes sos colpⁱs vergolizos,
 L'amarà la muir cun gnuf affiet;
 Speri in fin cui conseis del miò Almanac,
 Che la virtut al vizi e darà il scac.


Ma qualchidun usat a pensà mal
 Al dirà biel lèint stis storielis,
 Ah ah cumò capis! ... cheste è la tal
 Che an d' ha in amor passadis tant di bielis,
 E ches^t l'è chel amì, che dug lu sa,
 Che un caset j' è nassut come ches^t ca.

Jò mo dis, che l'affar no l'è cussi,
 E plui di chel che pènsin soi prudent,
 Nè hai fissat sun nissun, credit a mi,
 E se i cas si somèin, l'è un acident;
 E faressis par ch'est false vendete
 Volint rompi la coce al puar pöete.
 Ma come a mieze predichie l'è l'us
 Che il Muini vadi ator cu la cassutte,
 E il devòt par che buse l'introdus
 Chel che il so stat, o l'avarizie i butte;
 Cussi spacant la borse o chiol permess,
 Di battile un pocut pal miò interess.
 Zorut, ti visi, qualchidun mi ha dit,
 No lu compri se al coste masse chiar;
 Jò il pinsir restrinzint in tal miò scrit,
 Par contentà il pitoc e anchie l'avar,
 Lu fas d'üne misure e d'un valor,
 Che al par che al disi sol: *Chiolimi Sior.*
 Lu compri dunchie il Pari di famee
 Par gioldilu la sere dongie il fuc,
 Lu compri Don Chisciote a Dulcinee,
 Lu compri lu sapient, lu compri il cuc,
 Lu compri ... ma soi stuf di freà la panze,
 Comprailu se non altri par creanze!

Cussi sin intinduz, trattaimi ben,
 E Jò da galantom cul mio Lunari
 Us servirai da gnuf ches an cu ven
 Ma senze piardi timp za mi prepari
 Su L'AN IN GENERAL a fevelà,
 Apolo al bat il pit, l'estro l'è ca.



DE L' AN IN GENERAL



Ir matine al bot des dis
 In Cil l'è radunat il Gran Consei
 Par balotà un Dio Dominator,
 Che cun justizie, e onor
 Tignìnt dug i planèz in chiarezade,
 E nus fasi ches an cressi l'entrade.
 Racolz in dos cassuttis un par un
 I voz di ognidun,
 In prisinze di dug il Gran Tonant
 Al proclame Saturno in Dominant.
 Dug cognoss ches bon capo di vechiat,
 Dug lu sa, che pies d'un chian,
 Al mangià la so prole senze pan,
 E se crodin al scrit
 L'ha fat al so Papà di chialzumit.
 Pur bisugne ches an fai buine ciere;
 Dio nus uardi che s'intai
 Che la nestre acoglienze no è sincere,
 Sin sigurs di vè dei mai.

Ses visaz', regolaissi cun prudenze,
 Cu la belanze in man
 Ste matine l'ha chiolt possess de l'an.
 Siore Venere cortese
 I dà alogio, e i dà la spese,
 E lu ten mont e net
 Senza che al spindi un boro.
 Chest e si clame soro!
 Mangià bevì, e durmì
 Senza nissun pinsir ... l'è il so ce di ...
 Ma lassìn di pensà mal,
 Fevelin sore L'AN IN GENERAL.
 D'Unviar varin de nef in abondanze,
 Che puartarà del fret par il dovè;
 Bevi ben, e mangià infin, che al vanze,
 L'è un *recipe* ecelent a miò parè.
 E soflarà une buere malandrete;
 Oh ce gust! a sta in cuzzo sot la plete.
 Sarà tarde a vignì la Primevere,
 Parcè che il fret la tegnarà indäur,
 Ma alfin comparirà cun biele ciere
 Spandint vert par devant, e par däur,
 E Febo disglazzat farà in pos dis
 Deventà la campagne un paradìs.

Democrito fevele su l' Istat,
 E cul chialt al predìs des gran tempiestis,
 Che se lui nus disès la veretat
 No sarèssin laffè quinzaz di festis;
 Iò al contrari mi soi intestardit,
 E sostèn che ju affars laràn pulit.
 Abondant sarà il vin in cheste anade,
 Bon, cul pat che il paron no lu temperi.
 Siroc farà lis sos; adio oselade,
 Di fa fruzze d' uciei nissun e sperì;
 E par là cul Pronostic a puntin,
 Varin la glazze dopo S. Martin.
 Il Benincasa Strolig di sapienze,
 Di feminis al met gran pestilenze.
 Fuars cun cheste predizion
 Piardarai del chiar sess la protezion;
 E pe me sinceritat
 Sarai segnàt a det, e judicat
 Un Pronostic de polente,
 Che no 'l sa scrivi un viars se no 'l spavente;
 Quant che soltant, e senze azonzi un et,
 Chel che l' ha scrit Rutilio Jò us ripet;
 Anzi uei fa di plui,
 E senze jessi nè Spiziar nè Miedi
 A tant malan uei sugerì il rimiedi.

Che Muir poc modeste,
 Che tant in dì di vore, che di fieste
 Va sbaffarade il sen,
 Chesi cuviarzi, o che il prin fret ch' al ven
 La Parche al so fil neri dat un tai,
 La mandarà a fa tiare di bocai.

Che Polzete morbinose,
 Di marit *quantum sufficit* golose,
 Che co'l jeve il soreli
 E si sint par chel tal dutte a brusà,
 E pò di lui j' è stufte al tramontà;
 Che no abade al siroc, al chialt, al fret,
 Ma inclaudade di e gnot e stà al balcon,
 Se no pensè a mudà vite,
 E a uardassi dai scherz de la stagion,
 I vegnarà pai trois un rafredor
 Di mandale a la svelte al Crëator.

Che modeste Vedovele,
 Che in aspìet di Verginele,
 Va zirant in abit neri
 Par lis Glèsiis dut il dì,
 E che uè promet a Pieri,
 Cras a Pauli un chivali,
 Cul là tant a torzëon
 Chiaparà un' inflamazion,

E dat la coot al so falzut la Muart,
 Fasint il ben compst,
 I darà 'l Passepuart
 Par là a chiata il *requiescat* so Marit.

Judizi dunchie Feminis,

A l'erte su la piel
 Par no piardi la plume cu l'uciel.
 Senze di Vo par l'om sarès finide,
 E l'alegrie bandide;
 Amor siarat negozi
 Dut sbrendolos al vivarès in ozi;
 Ma chel che al sarès pies,
 Acìd che il Mont no vebi di finì,
 Nus tochiarès a No di parturì.



UNVIAR.

Par no dismentèa la buine usanze,
 Sior Tomas l'ultin dì di Carneval
 I siei amis al tratte a plene panze
 Generos par nature, e cordial.
 Sintit mo l'an passat ce che i nassè?
 E j'è tant bieles che no puess tasè.
 Tra ju bocons squisiz par chel convit
 Al comprà Sior Tomas un biel salam,
 E in une chiarte invuluzzat pulit
 Al Caffè lu consegne a un ciart Beltram
 Prin Zovin, e pò i dis: fami il plasè
 Ten cont di lui, ch' o soi subit cun Te.
 No l'è apene mitut in salf l'affar
 Al capite un Dotor di Chirurgie,
 E in squindon a Beltram sot il tabar
 Un negozi i presente, e in cortesie
 Lu pree par un moment a conservalu,
 Che al veve fra miez' ore di dopralu.

L'ere in chiare anchie ch'est invuluzzat
 E spudat il salam al somèave,
 Solamenti che chel veve odor grat,
 E ch'est altri trop bon e no 'l nasave;
 Del rest podeve ognun, manchiant l'indriz,
 Chioli schiz par salam, salam par schiz.
 Capite Sior Tomas, e in dutte frette
 Il salam a Beltram v' a domandà,
 Ma distrat Lui i consegnè par disdette
 \ Invece del salam chel altri affà,
 Pò al rive lu Dotor, e a precipizi
 Al chiape su 'l salam par fa il so uffizi.
 Lassin che Sior Tomas al stei in cusine
 A disponi, e condi lu tratament,
 Seguitin il Dotor, che s'inchiamine
 Anzi l'è za rivat dal pazient,
 Za al dà il segnal di tirà sù il sipari,
 Ecco nut si presente il tafanari.
 Al svuluzze il scartoz il Professor
 E in salam trasmigrat il schiz al chiate,
 Reste di clap, si mude di color
 Nel vedè ch'est caset di gnove date,
 Il so cuur l'è in contrast tra il sì, e tra il no
 Il malat di servì come che al pò.


Ma stuf di sta il pazient al *Porto d' arme*,
 Nè sintint l'istroment a l'orifizi
 Si volte, e a un timp i salte su la tarme,
 E i dis, viodingi in man dut chel servizi,
 Hae pensat Sior Dotor cun chel tantin
 Di fa rompi dizun al miò martin?

Il Ciroic e si butte in zenoglou,
 E cul salam in man dut sberlufit,
 O domandi, l'esclame, umil perdon
Mea culpa, bon Sior, e mi han tradit,
 Eccomi genufless, e vergonzat,
 Butinle in ridi, e chel ch'è stat, è stat.

Il puar inferm chiapanlu par la man
 A l'odor del salam i perdonà,
 E dug doi, profitant del grat ingian,
 Stabilirin, e in chest son di lodà,
 A imitazion del gran Dotor Pastrochie,
 Co l'è salam di chiolilu par bochie.

Tornin a Sior Tomas, che in alegrie
 Fra ju amis l'è rivat al fin del past,
 Za l'anunzie glorios e compagnie
 Del salam la vignude par pospast,
 Salam squisit che si pò dai del Vo,
 Salam ... ma eccolo in taule in *statu quo*.

Ven l'aghe in bochie a ognun dei comensai,
 Nel sinti ste vivissime piture,
 Dug sberle a d'une vos: si tai! si tai!
 E Sior Tomas mitut in positure
 Un quintrì l'altri doi curtis al uzze,
 Po la chiarte fatal al disvuluzze.
 Oh poffarbio!... ce ul di?... stupit l'esclame,
 Unschiz!... ah tradiment!... a mi di chestis?
 Une tant nere azion vendete e clame...
 O savarai ben Jò quinzà di fiestis
 Cui che... ma sul plui fuart de so parlade,
 Vive il salam! intone un de brigade.
 Vive il salam di Sior Tomas, evvive!
 Duquang ripètin cu la tazze in zir,
 Il salam del Paron, cun vos giulive,
 Vive! respuint la Coghe, e'l Camerir;
 E Sior Tomas fra il chiass universal
 Immusonat al sta come un stival.
 Ma mi ha fat là il salam fur d'argoment,
 Nè plui mi riguardavi de l'Unviar;
 Ecco che me la giavi in un moment:
 Caligo, glazze, nef, e un fret d'infiar;
 Del pantan, e de buere *quantum satis*,
 Nus faran viodi qualche *giambe gratis*.



ZENAR

Jev. il Sor. or. 7. m. 45.

Tr. or. 4. m. 21.

1 *L*un. Circonc. del Signor.

2 *L*Mar. s. Macario Ab.

3 *M*iar. s. Antero P. Mar.

4 *J*oib. s. Tito Vesc.

L. G.

Zornadis scuris, frèdis pal dovè;

Odoardo Young a chiartis trentetè.

Miò Zenso l'ha zurat

Che se dentri chest mes

No'l entre in convenienze un so Copari,

L'ul ch'o squacari dut sul miò Lunari.

Oe là! Sior Roul bolat,

S'ha chiar che no si publichi i siei fai,

Che la fasi da Just, e s'ha robat,

Che torni, e po che tiri su i stivai.

5 *V*in, s. Telesforo P. M.

- 6 *Sab. Epifanie del Signor*
 7 *Dom. s. Giulian Mar.*
 8 *Lun. s. Lurinz Justinian Patr.*
 9 *Mar. s. Marziane Verg.*
 10 *Miar. s. Pauli I. Erem.*
 11 *Joib. s. Iginio P. Mar.*

P. Q.

Cospetazzo ce criure!

Che se prest, o bielis Feminis,
 No stropais ogni frissure
 Restarès un piez in glaz.

L. G.
 Mi contave Siore None

Di vè let su lis Gazetis,
 Che di Augusto i' gran Pöetis
 La spacàvin un mont ben.

Ris cun tante di lujanie,

Less di chiar, e di chiapon,
 Umit, rost, e del vin bon,
 Chest al ere il lor gustà.

Ben passuz, e miez in bale

Invocàvin la lor Muse,
 Ch'ere pronte in bieles muse
 A cordai lu chitarin.

Oh Sior sì! che in ste maniere

Si pò fa pluì d'un Pöeme,
 Improvis sun ogni teme
 Fa di viars un Magazen;
 Ma al Pöete senze un boro,
 Senze impiego, e senze entrade,
 Che al vis quasi di rosade,
 Strissinìt, e sbrendolòs,
 Co si sinte a täulin
 Par fa qualchi Pöesie,
 I va al diaul la fantasie
 Chiat la penne cul pinsir.
 Chest l'ul di che uelin bez
 Par podè fa viars cun sal,
 No il Parnass tal ospedal,
 Panze ueide, e senze un crist.

12 Vin. s. Probo Vesc.

13 Sab. ss. Feliz, e Ilario Mm.

14 Dom. s. Pieri Orscolo.

15 Lun. s. Maur Ab.

16. Mar. s. Tizian V.

Mar. a Udin nei dls 16 17 18

17 Miar. s. Antoni Ab. *Mar. a s. Denel.*

18 Joib. La Gatedre di s. Pieri Ap. L. P.

Stupìt, Furlans, stupìt de me fortune,
 Che Newton mi ha imprestat il canochial,
 E tant vicine mi ha parùt la Lune
 Di metii su la code un gran di sal.
 Cumò dunchie la trati in confidenze,
 E mi fas cun chest truc om di mistir;
 Di chest Colm us pronunzi la sentenze:
 Il fret e nus darà qualchi respir.

19 Vin. s. Canuto Re M.

20 Sab. ss. Fabian e Sebast. Mm.

21 Dom. Il SS. Non di Gesù

Soreli in Acqu.

22 Lun. s. Vicenz, e Anast. Mm.

23 Mar. Il Sposalizi di M. V.

Mar. a Lubiane.

24. Miar. s. Timoteo Vesc. M.

25 Joib. La Conversion di s. Pauli

26 Vin. s. Policarpo Vesc. M.

U. Q.


Chest timp al butte jù nef in montagne;
 Cui sa se nanchie in plan nus e sparagne?
 Zanetto di prin svol l'è mataran
 Al va in mascare, e al giolt il Carneval;

Ma plui di Lui l'è morbinòs Nadal,
Che la mascare al puarte duquant l'an.

- 27 Sab. s. Zuan Grisostomo Vesc.
28 Dom. s. Cirilo Vesc.
29 Lun. s. Francesc di Sales V.
30 Mar. s. Geminian Mart.
31 Miar. La Traslazion di s. Marc. Ev.



Par
C
In
S
A
L



F E V R A R

Jev. il Sor. a or. 7. m. 14.

Tr. or. 4. m. 10.

1 Joib. s. Ignazio Vesc. Mart.

2 *Vin. Purificazion di M. V.*

Mar. a Glemone, Codroip, e Aquil.

3 Sab. s. Blas Vesc. Mart.

L. G.

Par faus viodi che mai an fali une,
 O met timp stravagant chest fa di lune.
 In squindon de so Mame Meneghine
 Son tre gnoz che lavore
 Ator un abitin di Contadine,
 Par là in mascare Joibe cun Tonin
 Vistut di Contadin;
 Ma la Mame se lu sa
 Ce dirae?
 Ce farae?
 Bastonale... se no va.

4 Dom. s. Andree Corsin Vesc.

5 Lun. s. Agate V. M.

6 Mart. s. Dorotee V. M.

7 Miar. s. Romualdo Ab.

8 Joib. s. Zuan di Mata Conf.

9 Vin s. Apolonie V. M.

P. Q.

Ten tindude la palizze

Jacomine in cheste nef,

L'è par Jè d'un gran soles

Il plàsè de l'oselà.

E si cuche e no si cuche

Il bonbon a fil di tiare...

Ah! dolcezze tant amare

Rufiane dei malans.

Ucelùz fis d'inocenze

A lis stretis par la fan,

Schiampait vie trè mis lontan

Vait sicurs a pascolà.

L'è l'esempli che us insegne,

Ch'è une robe che fas gole...

Ma an viot un che là al becole...

Requiescat Sior Uciel.

10 Sab. s. Scolastiche V.

11 Dom. i ss. 7. Fondators

12 Lun. s. Gaudenzio Vesc.

13 Mart. s. Foschie Verg.

Mar. a Udin nei dìs 13 14 15

14 Mar. s. Valantin Predi.

15 Joib. ss. Faustin, e Giov. Min.

16 Vin. s. Giuliane Verg.

17 Sab. s. Costanze Verg.

L. P.

Ce paching par chestis stradis!

Jò me giolt ciartis Polzetis,

Che par sei senze polpetis

Van a chiasse impantanadis.

Devant di maridassi Siore Bete

Si degnave ridint di saludà,

Ma cumò quant che incontre il puar Poete

Cul servent e si met a ciscà.

Par chest no mi disperì, e a dile sclete,

O che supiarbie sei chest so tratà,

O pur che sei in Jè cheste une mode,

L'hai là che lis suris puàrtin la code,

18 Dom. de Settuag.

- 19 Lun. s. Gabin Predi
 20 Mar. s. Zenobio Predi Mart.
 21 Miar. s. Simaco P. *Mar. a s. Denel.*
Soreli in Pess.

22 Joib. La Catedre di s. Pieri in Ant.

23 Vin. s. Margarite da Cort.

24 Sab. s. Matie Ap.

25 *Dom. de Sessuag. s. Romane V. U. Q.*

Cui che i plas a zueà di giate uarbe

Cumò al varès la gran bieie ocasion,

Al è un caligo cussì fiss che al suarbe,

E nus fas là pes stradis a taston.

L'è ridot puar Sior Tomas

Professor Naturaliste

Pal gran studi curt di viste,

E cul nas miez rosëat.

Un'orele i bute marze,

L'è di che altre chiampanar,

Une plae tal sgrasëar

I impedis di fevelà.

L'ha pe vite une raccolte

Di bugnons, e di cancrenis,

Uast il sanc i cor pes venis,

L'ha il color del zafaran.


Cun ste sgnesele di guais,
 Cun un pit in sepulture,
 Il biel studi de Nature,
 Sior Tomas, no l'è par Jè.

26 Lun. s. Alessandro Vesc.

27 Mar. Metilde Verg.

28 Miar. ss. Giulian, e Fort. Mm.





M A R Z

Jev. il Sor. a or. 6. m. 37.

Tr. or. 5. m. 33.

1 *Joib. s. Albin Vesc.*

2 *Vin. ss. Giovin e comp. M.*

3 *Sab. s. Cunegunde Imp.*

4 *Dom. de Quinquag. s. Casimir L. 6*

Eolo cul clostri in man iruzinit,
 Par molà ju presonirs,
 Al sta a spietà che Giove al bati il pìt.
 Cu l'etat in chest Mont passe il morbin,
 E chel che za trent'agn al ere un mat
 Al di di uè l'è diventàt chietin;
 Carneval al contrari di fantat
 Al è serio abastanze, e cò l'è gris,
 Passe in crapule, e in bai, lisgnoz, e i dis

5 *Lun ss. Vit e comp. Mart.*

6. Mart. s. Lucio P. M.
 7. Miar. I. di di Cresime s. Tomas d'Aq.

Ce i parial Sior Alvise?

Ir Carneval al ere legri e san
 Tant che al pò sei un fantat di vingieun an,
 E uè l'è za in cinise;
 Ce i parial Sior Alvise?

- 8 Ioib. s. Zuan di Dio
 9 Vin s. Franceschie Romane
 10 Sab. i ss. 40. Martirs.

P. Q.

L'è ver che sin d'Unviar, ma tant e tant
 Febo nus ul schialdà di quintrebant.
 Sior Faustin par ciarz affars
 Al dis cul tiarz, cul quart che mi ha sui quars;
 Soi sensibil e disgrazie
 Di no jessi in te so grazie,
 Ma pur sint cun complasenze,
 Che dei quars al conservi la semenze.

- 11 Dom. I. di Cresime s. Giulio.
 12 Lun. s. Gregorio P.

13 Mart. s. Macedonio

14 Miar. s. Zacarie P.

15 Joib. s. Longin. Mar. a Udin il dì 15 16

16 Vin. S. Ciriaco

17 Sab. s. Patrizio Vesc.

18 Dom. Il. di Cresime s. Fabio L. 1

Ce deliri Siore Sabide

A là in Plazze cun chest vint,

Jè se stesse rint ridicule

Cul bacan che fas la int.

Ha lis giambis par disgrazie

Su la forme de sàete,

Une mazze di tambur

J'è plui gruesse de polpete.

A stis robis, che mi crodi,

Hai la bave di velen,

A ripar di tant disordin

Eolo sol pò fai del ben.

Su che crepi l'avarizie!

Chest l'è un Dio fat a la man,

Se ul che plui no i sechi l'anime,


Che i assegni un tant a l'an.

19 Lun. s. Josef Spos di M. V.

20 Mar. s. Gioachin Pari di M. V.

21 Miar. s. Benedet

Soreli in Ariete.



PRIMEVERE.

A cavalot di zeffiro

Plene il grumal di flors,

Par dut spandint odors

La Primavera è cà.

Subit al nass il bocul,

E comparis la rose,

Che in ciere graziose

I fas un ripeton.

Zupez, scussons, e grès,

Mudade la munture,

Cun spade a la cinture

Son pronz ai siei comanz.

La passare petegule

J'è sechie come un chian,

Un passar cortesan

I ha robat il cuir.

E rive la cisile
 Sudade dal vïaz,
 Si sint dei sgrisulaz,
 Ha mal di parturi.
 Morbit il rusignul
 Al chiente l'ariete
 Vicin e so polzete,
 Che tiess contente il nit.
 Di Primevere a l'ordin
 Si viest di vert il prat.
 Nature e mude stat
 E no somee plui chè.
 Macor passint lis pioris
 Pojat sul grin di Zuane,
 Al piart la tramontane
 In dan lis lasse là.
 Anin Tonine in Vile
 A vivi in libertat,
 Il vivi de Citat
 L'è un vivi di preson.
 Cun urtizzons, e rusclis,
 E quatri grans di sal,
 Sintaz sun un rival
 Pararin vie la fan.

E sul scuri de gnot,
 A confusion del luss,
 Butàz parsore i scuss
 Morfeo nus chiatarà.
 Al prin chiantà del gial
 L'aurore inghirlandade,
 Fra un nembo di rosade,
 E ti darà il bon di.
 In chiapelut di stran
 Vistude in *negligè*,
 Tu vegnaràs cun me
 A fa grazios bochè.
 C'un sivilot di scusse,
 Senza bisugn di notis,
 O sunarai vilotis
 Di movi invidie a Pan.
 E a Ti chiantant d'amor
 Cun melodie divine,
 Dal bosc, e de coline
 Eco respuindarà.
 M. nin Tonine in Vile
 A vivi in libertat,
 Il vivi de Citat
 L'è un vivi di preson.

- 22 Joib. s. Benvignut Vesc.
 23 Vin. ss. Simeon, e Inocent Mm.
 24 Sab. s. Gabriel Arcan:
 25 Dom. III. di Cresime vis. s. Venanzio
 26 Lun. s. Teodoro Vesc. U. Q.

Ce zornadis! ce alegrie!

Al è il Cil tant che un cristal,
 Par che il timp vei fat il cal,
 Ma che al duri, o crot di no.

Ogni dì l'ha di jevà

Il soreli, e tramontà;


Ogni mes si fas la lune;


Ogni mul al ha fortune;

Di fa un frut non sgare ogn'an

La Müir di Sior Bastian.

- 27 Mar. s. Zuan Erem:
 28 Miar s. Sisto Pp.
 29 Joib. s. Zuan Clim: Conf.
 30 Vin. s. Amos Prof.
 31 Sab. s. Beniamin Conf





A V R I L

Jev. il Sor. a or. 5 m. 42

Tr. or. 6 m. 21

¹ Dom. IV. di Cresime vis. la ss. Spine
² Lun. s. Francesc di Paole G. L. G.

Jò l'hai dit, nè mai o falì,
 O soi propi un braf Profete;
 Mi è rivade la Stafete
 Che da gnuf al torne il fret.

No vin fret, diseve Pipo,
 Lode a Giove plui chest an,
 Si pò meti vie il gaban
 Al è un timp di là in lauchin.

Preparade l'udïenze
 Cun ste biele introduzion
 Sui vantaz de la Stagion,
 Da Sior Ciro al va sul fat.

B 1

Cu lis lagrimis ai voi
 A chel cuur tant generòs
 I dls su lis chiossis sos
 Sot sigil di confession.
 Une sune rispetabil
 Hai piardut a la concine,
 Da la sere a la matine
 E mi assedie il creditor.
 Quatri cenis in locande
 Par oget sentimental
 Hai di dà, del Carneval
 Trente valtz a Balarin.
 Par salvà lu miò decoro
 O soi ca, o mi rimet,
 La cognoss par om discret,
 Abrenuntio al miò gaban.
 Oh paron! respuint l'amigo,
 Che comandi in chel ch'o puess,
 Jò n'hai vistis d'interess,
 O lu zuri d'om d'onor.
 Dit cussì al stargie il mobil,
 E po i fas lungie perizie
 Cu l'ochial de l'avarizie
 Par fa dopli il capital.

Chestis son dusinte liris,
 Sior Filip, par jessi Jè,
 Jò mi'n ten cinquantetè
 Par il pro d'un mes e miez.
 Sior Filip si strenc in spalis,
 Tal so stat di violenze
 E si adate a la sentenze
 Tant che Job sul ledamar.
 Ma incostant come lis Feminis
 Al è il timp da uè a doman...
 In chest fret a vè il gaban
 Si darès un milion.
 Sior Filip al marchie in spade;
 Anchimò al tiarz, e al quart
 L'ha di dà; ma a so confuart
 No lu tirin pal gaban.

- 3 Mar. s. Abundio Vesc.
- 4 Miar. s. Isidoro Vesc.
- 5 Joib. s. Vicenz Ferrerio Conf.
- 6 Vin. s. Celestin I. P.
- 7 Sab. s. Epifanio Vesc.
- 8 Dom. di Passion s. Dionisio Vesc.
- 9 Lun. s. Theodore Verg. P. Q.

La marine bute su ,
 La montagne si scuris,
 Il Pronostic no'l tradis ;
 Su l' ombrele , e ju il baston .
 Dug discor che Siore Pasche
 Su la coce no ha un chiavel ,
 E che squint cheste magagne
 Cu la scufe , o cul chiapiel .
 La disgrazie sarà vere ,
 Ma peraltri ha il confuart
 Di supli a ste manchianze
 Cu la barbe une gran part .

10 Mar. s. Apolonio e Comp. Mm.

11 Miar. s. Leon Pp.

12 Joib. s. Zenon Vesc.

13 Vin. s. Ermenegildo Re Mart.

14 Sab. ss. Tiburzio , e Susane Mm.

15 Dom. de l' Ulif

16 Lun S. s. Cecilian Mart.

17 Mar. S. s. Aniceto Pp. Mm.

L. P.

Se insolent soffe la buere,
 E son flaz di Primevere.

Tant l'è 'l ueli te mè panze
 Ingrumat cun chest dizun,
 Che un paver soltant mi manchie
 Par ardè tant ch' une lun.

18 Miar. S. s. Eleuterio *Mar. a s. Denel.*

19. Joib. S. s. Leon IX. Pp.

20 Vin. S. vis. i Ss. Sepolc.

Mar. a Udin dal dì 20. al 26. incl.

21 Sab. S. s. Anselmo. *Soreli in Toro.*

L'an passat Sioro Annte come uè
 Mi mandà une fujazze a regalà,
 Che se anchimò no hai fat il miò dovè,
 O la prei in vie di grazie a perdonà.
 La ringrazii cumò sul miò Lunari,
 Fasint plauso al so cuur tant generòs,
 Che se orès celebrà l'aniversari,
 Jò no me l'hai par mal se an mande dos.

22 Dom. *Pasche di Resurezion*

23 Lun. II. *Fieste s. Zorz Kay. Mart.*

24 Mar. III. *Fieste s. Fedel M.*

25 Miar. s. Marc Ey.

U. Q.

In ch'est Quart e varin timp variabil,
 Ma dopo mateāt si farà stabil.
 Ha per sisteme Sioe Teresine
 Ogni mes di mudà di Spasimant,
 No si pò sei a un istess simpri costant,
 Nè simpri al plas il pan cun chè farine
 Costume in uè il biel sess volta bandere,
 E secondà il capriz, e varià,
 Che se Jè foss diviar se di pensà
 Femine si dirès di date viere.

26 Joib. ss. Cleto e Marcellin Mm.

27 Vin. s. Anastasio I. Pp.


28 Sab. s. Vital Mart.

29 Dom. in Albis s. Pieri Mart.

30 Lun. s. Catarine di Siene V.



In S
 Ch
 Ma
 St
 Si v
 Ch
 Ru
 Al
 L' un
 E
 L
 E



M A I

Jev. il Sor. a or. 4. m. 57.

Tr. or. 7. m. 6.

- ¹ **M**ar. ss. Filip e Jacun App.
² **M**iar. s. Anastasio Vesc. *L. G.*

In Strolig famosissim al sosten
 Che dentri stè zornade ai plovàrà,
 Ma Jò scomet che il Cil sarà seren:
 Starin a viodi cui che falarà.
 Si viot al dì di uè plui d'un vilan,
 Che lassade la uarzine, e 'l massanc,
 Rutant di ai, e miez crepat di fan
 Al capite in Citat a purgà il sanc.
 L'unic talar che al à lu met in zir,
 E compre, e torne a vendi, e fas usuris,
 L'esperienze lu rint om di mistir,
 E intric a lui a chiatai lis cumissuris.

B

Fat in poc timp un ric negoziant ,
 L'ha costums ilibaz , Dite d'onor ...
 Ma al falis ... lu ha tradit qualchi birbant ...
 E cun chest truc lu viddis dopli Sior.

- 3 Ioib. Invenzion di s. Gros .
- 4 Vin s. Moniche Ved.
- 5 Sab. s. Gotart Vesc. *Mar. a Porden.*
- 6 Dom. s. Zuan ante P. L.
- 7 Lun. s. Stanislao V. M.
- 8 Mar. L'apparizion di s. Michel.
- 9 Miar. s. Gregori Naz. Vesc. *P. Q.*

Plöe si brame , e ploë devi vignì ,
 E quant che lu dis jò sarà cussì .
 I madrac quant che rive Primevere
 Mùdin a un timp istess e scusse , e ciere ,
 Ma passe Primevere , Istat , e Autun ,
 E Giulie ha simpri ciere di pan brun.

- 10 Ioib. s. Antonin Vesc.
- 11 Vin. s. Mamerto Mart.
- 12 Sab. ss. Nereo e Comp. M.
- 13 Dom. il Patr. di s. Josef. s. Sigismont

- 14 Lun. s. Bonifazi M.
 15 Mar. s. Metilde Regine
 16 Miar. s. Zuan Nep. *Mar. a s. Denel L.P.*

Mi scrif Sior Pierantoni dal so stabil,
 Che l'üe vadi in quars a plui podè;
 Te so disgrazie o provi un displasè,
 Tant plui che ches l'è un mal in plante stabil.

- 17 Joib. s. Pasqual Bailon Conf.
 18 Vin. s. Feliz Cap.
 19 Sab. s. Colectin P.
 20 Dom. s. Bernardin da Stene
 21 Lun. s. Valent V. *Soreli in Gemini.*
 22 Mar. s. Giulie Verg.
 23 Miar. s. Desideri Conf.
 24 Joib. s. Giovane Verg. *U. Q.*

Fate la cabale o puess dius del ciart,
 Che il Cil sarà seren duquant ches Quart.
 Inzenoglat
 Un puar Muss tal miez d'un prat,
 Par i guais batint la lune,
 Al prèave di cuur

Par che Giove i fasès mudà fortune;
 Il Tonant sul principi al tignì duur,
 Ma dopo si movè a compassion,
 E vignut sul balcon
 I molà ju dal Cìl
 Un sachet di zichins l'eat a un fil.
 Senze nanchie un ti ringrazi
 Il Muss lu chiape su; di jarbe sazi
 T' un Magazen di vene
 Si concentre a mangià a panze plene;
 E dopo strighiat, e petenat
 Al fas la gran comparse in societat:
 Il Muss cul miez de fame in un moment
 Al devente un portent;
 Dug lu brame,
 Dug lu clame.
 Il Muss in te sapienze
 L'è ugal a Salomon;
 Il Muss in eloquenze
 Al sfide Ciceron;
 In Poesie e Pitùre
 Il Muss l'è dut nature;
 Il Muss al è un inchiànt

Ta
 Il
 A
 Il
 La
 Il
 Du
 Ma
 Sp
 Par
 Si
 Ad
 Ad
 Ni
 Ch
 Squ
 Da
 Eco
 E
 Se
 Se
 I
 Feve
 In

Tal son, tal bal, tal chiant;
 Il Muss chel che al dà ton
 A ogni conversazion;
 Il Muss servent de Musse
 La plui pure di sanc, e biele, scusse;
 Il Muss... in sume il Muss
 Dug supere in talenz, e dug in luss.
 Ma chest Muss generos fur di misure
 Spindint uè, spindint doman
 Par olè fa nel Mont la so figure,
 Si ridusè in poc timp senza un catan.
 Adio sapienze,
 Adio eloquenze;
 Nissun plui lu cognoss,
 Chest d'aur i sivile, e chel i toss,
 Squintiat,
 Da duquang abandonat
 Ecolo di ritorno al so prin stat,
 E in un Mulin,
 Se olin crodi a un Test latin,
 Senza bez, senza onor, plen di passion
 I siei dis al finì sot il baston.
 Fevelant dai cops in ju,
 In chest Mont *Argent fait tout*

- 25 Vin. s. Gregori Pp.
 26 Sab, s. Filip Neri Conf.
 27 Dom. s. Marie Madalene de P.
 28 Lun. s. German Vesc.
 29 Mar. s. Sisinio
 Mar. a Udin nei dls 29 30
 30 Miar. s. Chiancian
 31 Joib. Ascension del Signor


Fra
 Là
 Sul
 Ro Vio
 Ro Che
 Al
 Ro E v
 L. Che

Il timp al va benon par la campagne,
 E l'aparat e nūs promet cucagne.
 Viot la int che in procission
 Ven a Vat a mirindà;
 O viot il prat di compagnis fodrat
 D'ogni sess, e d'ogni etat;
 Viot Cupido che al va in zir
 Par il zelo del mistir;
 Viot la Biele cul Moros
 A discori in secret des chiossis sos;
 Cul chel tal da Baco favorit
 Al stente a mudà il pit;
 Culà ben sacomat l'Intervenient
 Al confuarte lu Client;
 Cà cu la panze in sù al sta 'l Chiantant

Fra ju ding un'ariete murmujant;
 Là sint il Negoziant a perorà
 Sul mut di uadagnà;

P. Viot l'avar concentrat dut in se stess,
 Ro Che a spalìs del pitoc
 Al mangie fin il uess;
 Ro E viot il cortesan te confusion
 L. Che se la sbrisse, e al bruse lu pajon.





J U G N

Jev. il Sor. a or. 4. m. 22.

Tr. or. 7. m. 41.

- 1 **V**in. s. Secont M.
- 2 Sab. s. Erasmo M.
- 3 *Dom. s. Paule Ver.*
- 4 Lun. s. Querin Vesc.
- 5 Mar. s. Bonifaci M.
- 6 Miar. . B. Beltram Vesc.
- 7 Joib s. Norbert Ab.

P. Q.

Dopo di vè strussiat dute ste gnot,
 E contadis lis stelis dos, tre voltis,
 O pronostichi in Cil des gran rivoltis,
 Che se no vin malans sarès un lot.
 Je stade qualchi volte Siore Bete
 Cun un Marches a chiaminà, e a messe,
 Si dà par chest il ton di stirpe elete,
 Nè respuint senze il titul di Contesse,

Jò par me part o fas di no savent,
Se ul vè titui che mòstri il document.

- 8 Vin. s. Massimo Vesc.
- 9 Sab. ss. Primo, e Felician M.
- 10 *Dom. des Pentecostis*
- 11 *Lun. II. Fieste S. Barnabe Ap.*
Mar. a s. Vit nei dis 12 e 13
- 12 Mar. s. Onofrio Conf.
- 13 Miar. s. Antoni di Padue. *Timp.*
- 14 Joib. s. Basili Magno Ves.
- 15 Vin. s. Vit e Comp. Mm. *Timp. L.P.*

2. Anchie che o fali jò, se il timp no 'l fale,
Dentri vot dis mangin il pan di siale.

Ce fenomeno curios!

Dopo stat a fil di muart

L'ha piardut la memorie Sior Gotart

Cun chei che l'ha di dai,

Ma soltant si requarde di chei tai

Viars cui l'è creditor,

E se une volte no val, ju squet dos.

Ce fenomeno curios!

Uchin marit, e femine,
 I par di mudà stat,
 No pensin plui al passat,
 E tornin di prim svol.
 Sole fra il comun giubilo
 Che la Stagion inspire,
 Tonine vai, sospire,
 Il chialt l'è so nemì.
 Il chiaf i pese, il stomi
 L'è masse indebolit,
 Piardut ha il colorit,
 E l'apetit, o 'lsinn.
 Eco che al rive il Miedi...
 Bon giorno Madamine!
 Cimut cheste matine?
 Hae passat ben la gnot?
 I tochie il pols, la esame
 Cun singolar premure;
 Cul ton de l'impostnre
 Pronunzie il so parè.
 Par rintonà il so fisic,
 Se acete il midè consei,
 No chiati chiosse miei
 Dei bagn par qualchi dì.

Al non di bagns Madame
 Torne da muart a vite,
 E in aparenze aflite
 Jal dîs a so marit,
 Che a la sentenze mediche
 Afetiûs pe Muir,
 Si adate vulintir
 A spindi un poz di bez.
 Abano e scielz, e subit
 Dispon la montadure;
 Ul fa buine figure,
 O pur sta a chiase so.
 Abiz d'ultime mode,
 Galans, e fazzolez,
 Chiapiei, scufis, strîez,
 Sgherlifs di mil colors;
 E fate la valise
 Strenz il marit al sen,
 Monte vaint in len
 Pò apene fevelà.
 Dopo doi dîs di strade,
 Marchiant e gnot, e di,
 Si cuche a l'imbrunì
 D' Abano il Chiampanil.

57
E rive, e i Servitors
Son pronz a la portele,
Il chiaf e sbasse, e snele
E salte ju di len.
Tra Zaventùt curiose,
Che i fas corone intor,
La Biele del Cormor
Passe ridint sot coz.
Fasint un mut aplauso
E so beltat divine
Son za par Jè in berline
Un centenar di cuore
Intant e passe in chiamare
Pestade dal vïaz...
Su prest un piez in glaz
Prime di là a durmì.
E cessin lis scalmanis,
Morfeo al fas lis sos,
Sparnizze generos
Papavars sul sò jet.
Svòlin intor ju Amors
Lizers al par del vint,
E cun bochin ridint
Jè va a chiatà doman.

Il Camarir e puarte
 L'è pront al bot des dis,
 Al bat, e i dà l'avìs
 Ch'è l'ore di fa il bagn.

In *negligè* dolcissim
 Che Venere somèe
 E ven a bass la Dèe
 Cul Camarir d'aur.

In chiacarez d'astuzie
 Lu ten une miez'ore,
 Jè par istint se sore
 Sintì petegolez.

A l'anda, se no falo,
 Al far da Cortesan,
 Sè certo Venezian,
 No è vero Camerier?

In mezo a sto bel Mondo
 De Done, e de Galanti,
 Quanti caseti, oh! quanti,
 Che mai ve nasserà?

Qualche grazioso anedoto
 Conteme per finezza;
 Son tula secretezza,
 Podè parlar con mi.

Contente des notizis
 Chiatant partit par sè,
 Passe *pour badiner*
 Dal chiacarez al bagn.
 Un' ore, e che i par lungie,
 La spint in suatarez
 Tal chiaf fasint progez
 Par fa dei sclafs a Amor.
 Jò mediant Cupido,
 Dio bardasson e astut,
 Hai rilevat il dut,
 La conti, e stait cidins.
 Lin a chiatale in taule;
 Un poc si fas spieta...
 Ma e rive, e cole ca
 Fra inchins, e repetons.
 Zire chei voi di fuc
 Rufians de l'incostanze,
 Il cuur i sta in belanze
 Tra ches Fantat, e chel.
 Cun mute batäizze
 Ognun tente l'assalt,
 De zoventut il chialt
 Dug rint ardimentos.

D'amor te squele esperte
 Jè a dug fas buine ciere,
 Ul somèa sincere,
 Ul fa di no sei chè.
 Di peraulutis teneris
 Di zuramenz d'afiet,
 Prodighe j'è in secret
 A cui che i sta vicin;
 E intant a chel che ha in fazze
 Cun grazie i urte il pit;
 L'amigo l'è servit
 Al tochie il Gil cui dez.
 Son in continuo moto,
 Bochius, e cimiadis,
 Peraulis strupiadis,
 Che al met in bochie Amor.
 J'è stufe di sta in taule...
 Orès passà al caffè...
 Dug son ator di Jè,
 Dug uelin dai di braz.
 Culi tra musis gnovis,
 De zoventut tra il flor
 Si acress il so calor,
 Cupido al soffe sot.

In amoròs colloquio

La viot cun un Fantat

Giavàt al prin estrat :

No abade plui nissun.

In arie di conquiste

Cun cheset ecole a spass ;

Chiamine cul compass ,

Drete tant ch' un pinel.

Ma fie de l'incostanze

No rive apene a sere ,

Che volte la bandere ,

I salte un giuf capriz .

Come a mudà chiamese

E mude di servent ;

Il so major content

L'è chel di varià .

Tra i spass , e l'alegrie

E spint il timp Tonine ,

Fate dei cuurs Regine

Dut Abano l'è so .

Di bagns no si fevele ,

D'Udin si dismentee ,

No i impuarte de Famee ,

No ha in chiaf che morosez .

In chel rive une letere
 Che la feris sul vif;
 Al è 'l marit che i scrif,
 La clame a chiaso so.
 Oh Dio ce colp terribil!
 Oh timp passat trop prest!
 Orès chiatà un pretest
 Par sta anchie qualchi di.
 Ma no l'è cas; bisugne
 Abandonà il pais,
 E dà un adio ai amis
 Sul biel dei *rendez-vous*.
 Cul cuur tajat in fetis,
 Fricant dute la strade,
 Eco tornà malade
 Madame par dabon.

22 Vin. s. Nicete

U. Q

Par o dispar, Meneghine,
 Ustu vè siroc, o vint?...
 Ma tu ridis... ah! ti intint,
 Che il secont al ti sta ben.

Sion

S

E

I

Jò

E

L

Ja

E d

M

S

P

Il t

T

Sior Lurinz in dis agn di matrimoni
 Si vergonze di no vè vut un frut,
 E dopo vè ingrumat un patrimoni
 I par di vè sudat senze custrut.
 Jò peraltri bramos del ben cumun,
 E stant che fin ai voi soi plen d'erez,
 Lassin i complimenz, se al ul vent un,
 Jal doi par jessi Lui, e senze bez.

23 Sab. s. Geltrude Reg.

24 Dom. S. Zuan Batiste

Marchiat a S. Denel.

25 Lun. s. Gulielmo Ab.

26 Mar. SS. Zuan, e Pauli Mm.

27 Miar. s. Vigilio M.

28 Joib. s. Leon II. P.

29 Vin. SS. Pieri. e Pauli App. L. G.


Q
 E devente smuarte smuarte
 Margarite cun chesg tons,
 Siare i voi, par une muarte,
 Par no viodi a tarlupà.
 Il timor, o bieie Fie,
 Ti sgomente cun reson,

Il Tonant l'ha zelosie
 A vedèti fra di No.
 Za Tu sas che in plöe d'aur
 Lui par Danae si mudà,
 E pe biele Europe in Taur
 Al passà nadant il Mar.
 Se cussi mudant figure
 Al fas fuur dei miors bocons,
 Margarite sta sicure,
 Che ven prest anchie la to.

3o Sab. La Comm. di s. Pauli Ap.



Nuve
 E
 Mi
 Ch
 La n
 Al
 Cin
 Al



L U I.

Jev. il Sor. a or. 4. m. 10.

Tr. ore 7. m. 47.

1 **D**om. s. Marcel Mar.

2 Lun. Visitazion di M. V.

3 Mar. s. Trifon, e Comp. Mm.

4 Miar. s. Odori Vesc.

5 Joib. s. Domisio Vesc.

6 Vin. s. Isaie Prof.

7 Sab. s. Benedet XI. Pp.

P. Q.

Nuvolons tant che montagnis

E viazin par la pueste

Misturaz cun des lasagnis

Che manàzzin la tempieste.

La matine Sior Simon

Al bruschie al tiarz, e al quart la colazione;

Cirche l'ore del miez di

Al guste da Tonin so gran ami;

Dopo es dos, par no fa un tuart,
 Al mangie un bocognut da Sior Gotart ;
 La mirinde par il solit
 La fas fuur al Padre Ipolit ;
 E par *sigilum stomaci* al va a cene
 Là di Siore Madalene :
 E vivint cussi a spalis del minchion
 No l'orès sei clamàt un ver scrocon ?

8 Dom. s. *Elisabete Reg.*

9 Lun. s. *Acazio, e Comp. Mm.*

10 Mar. i Ss. 7. *Fradis Mm.*

11 Miar. s. *Pio I. P.*

Marchiat in Aquil., Buje, e Osof.

12 Joib. Ss. *Ermacore, e Fortunat Mm.*

13 Vin. s. *Anaclet P. m.*

14 Sab. *Bonaventure Vesc.*

15 Dom. Ss. *Redentor*

L. P.

Bèchin moschis, e pulz come che va;
 Tignit a menz, il timp si mudarà.
 Passave un *ex pitoche* il Marchiat Vieri
 A l'improvvis vistude da galant,
 Superbo al flanc di Jè al ere Pieri
 Cun muse dure Cavalir, e Amant.

Ah se foss stade a chiasse al ere miei!
 Si consolin, disèvin par dâur,
 Che ha chiatat cui che i sglonfi ju budiei,
 Ma dut sta che l'amigo al tegni duur.
 Fra stis lenghis che tain l'ere Batiste
 Om classic vizios par det de fame,
 Che si piche di sei braf Latiniste;
 Si jeve in pis, e sfrëolansi il front
 Par dassi ton d'improvisà, l'esclame,
Est miraculum quae. Pinsir profont.

16 Lun, la B. V. del Carmini.

17 s. Mar. s. Marine V.

18 Miar. s. Camilo de Lelis

Marchiat a s. Denel.

19 Joib. S. Vicenz de Paoli

20 Vin. s. Jaroni Emil. Conf.

21 Sab. s. Prassede Verg. *Soreli in Leon*

22 Dom. s. Marie Madalene U. Q.

Ar no 'l veve un catan Sior Agustin;
 Considerant che il timp al ere bon,
 L'ombrele l'ha iupeguat par un florin,
 E uè de ploe si pare cul baston.

Talis vita,

Finis ita,

L'ha dit Meni d'un ciart,
 Che dopo vè mangiat tant ch'un purciel
 I si sclopà la piel,
 E vivint da passut, passut l'è muart;
 Ma se al è ver ch'est Dit,
 A lui tochie a murì plen d'apetit.

23 Lun. s. Apolinar M.

24 Mar. s. Cristine V. M.

25 Miar. s. Jacun Ap.

26 Joib. s. Ane Mari di M. Verg.

Marchiat a Cividat, e Alvisopoli.

27 s. Pantaleon

18 Sab. ss. Celso, e Nazari Mm.

29 Dom. s. Marte Verg. L. G.

Soreli al fas cu-cuc fra i nuvolaz,

Al è in ruze siroc cun tramontane,

Infogàt chiente il gial, chiente la rane;

L'è ün gran miracul se no vin burlaz.

Da un Dotor eri lat par consèa


Su d'un miò ciart affà;

In chel tant che i contavi la question,
 Par efiet de digestion,
 Ogni tant si sollevave,
 E (cun rispiet) te muse mi rutave;
 Jò incalzavi l'argoment,
 Tabacant par fa quintrì a l'element;
 Ma lui, che al ere sglonf tant ch'un tambur,
 Par devant i menave, e par d'aur.
 Contrari a chesg favors il miò odorat,
 E viodint il so Studi in chiot mudat,
 Chiolt congedo, i disei,
 (Senze spietà 'l consei)
 Jè sarès, Sior Dotor, un omenon,
 Ma l'è 'l mal ch'ha falade vocazion.

30 Lun. s. Abdon M.

31 Mar. s. Ignazio Lojole Conf.





A V O S T

Jev. il Sor. a or. 4. m. 17.

Tr. or. 7. m. 21.

- 1 **M**iar. S. Pieri in Vinc.
- 2 **M**Joib. s. Stiefn. *Il Perdon d' Ass.*
- 3 Vin. l'Invenzion di s. Stiefn Protom.
- 4 Sab. s. Domeni Conf.
- 5 *Dom. La B. V. de Nef.*
- 6 *Marchiat a Udin dal 5. al 20 incl.*
- 6 Lun. La Trasfigur. del Signor *P. Q.*

E mi conte un Professor
 Che il Termometro l'è alzat
 In un mut propositat...
 Figuraissi ce calor!
 Senze un boro in te sachete,
 Par crudel costituzion,
 L'è mitut tal chias Simon
 Di olè fa lu Spasimant;

Spasimant d' une Damine
 Ben usade, assai degnevul,
 Grand' amie del diletevil,
 Del Tëatro, e del Caffè.
 Profitant de stagion chialde
 L' ha fat fuur d' un bon gaban
 Par podè esegui il so plan,
 E brojà par otignì.
 Buinismans a la Massarie,
 Buinismans al Servitor,
 Lui sticassile da Sior,
 Adio bez, adio gaban.
 Tant par ches no si avilis;
 Al vent dut, e al torne in chiamp;
 La risorse dure un lamp,
 Nass e muur a un timp istess.
 Maledint il Dio Cupido
 Al batè la ritirade;
 La beltat costà salade
 Senze vè nissun custrut.
 A no l' è chel tal che al spint,
 Ma chel che no 'l sa spindi in conclusion,
 Che in ches Mont fas figure di minchion.



4

- 7 Mar. s. Gaetan da Tiene Conf.
 8 Miar. s. Ciriaco.
 9 Joib. s. Roman Mart.
 10 Vin. s. Lurinz Mart.
 11 Sab. ss. Tiburzio, e Susane Mart.
 12 Dom. s. *Clare Verg.*
 13 Lun. s. Ipolito M. L. P.

Par coess del gran calor
 Atacat da idrofobie,
 L'altre gnot l'è sbrissat vie
 Il fedel chian di S. Roc.

Si declare a son di trombe,
 Cui che areste il fugitif,
 No si abade o muart, o vif,
 Al ha in premi doi zichins.

Son in smanie i Cope-chians
 Par il zelo del servizi,
 Al va in ronde il Satelizi
 Dut il dì dute la gnot.

J'è in facendis la canae
 Cun bastons, forchis, e spez;
 Ogni vil al son dei bez
 Al devente coragios.

Al è il spali general:

Par lis stradis par la Plazze

No si viot un chian di chiazze,

No 'l va in zir un chian pajar.

Finchè dure ste boraschie

Sior Bernart, che se la nase,

Al ul sta siarat in chiasse

Par no jessi chiolto in fal.

14 Mar. s. Eusebio Predi. *Vil. di ueli*

15 *Miar. Assunzion di M. V.*

16 Joib. s. Roc. *Mar. a s. Denel*

17 Vin. s. Saturnin M.

18 Sab. s. Agapit M.

19 Dom. s. Liduè Vesc.

20 Lun. s. Bernart Ab. *U. Q.*

Brame plœ il Contadin

-Che lu sorc viot in curdele,

E la brame il Citadin

Dut il dì su la gredele;

Ma se al dure il Cil seren

Stait sigurs che ploè nò ven.

Oseledors di Quais

Il timp al va a proposit,

Dut sta che tal paralis

No fais qualchi sproposit.

Uardait che sot la stangie

No zirin chians o giaz,

Se ronde la ciuite

No chiantin plui i Quajaz.

Uardait che nosein feminis

Ator a curiosà,

Cul svintulà lis cotulis

Us es faran jevà.

21 Mar. ss. Donat e Comp. *Sor. in Vergin*

22 Miar. s. Anguste Verg.

23 Joib. s. Filip Benizi Conf.

24 Vin. s. Bortolomio Ap. *Mar. a Gurizze*

25 Sab. s. Lidui Re. *Mar. a Alvisopoli*

26 Dom. s. Ermogine M.

27 Lun. s. Josef Conf.

28 Mar. s. Agustin *Mar. a s. Denel. L. G.*

Al fin j'è ca ste plöe benedete;

Respire ogni vivent, la tiare e tete.

Promissio boni viri est obligatio ,

Dis a Tonin , Orazio ,

E un scapelot di lire

I pete a man redrose , e lu distire.

Senze fa ricevude , o un ti ringrazi ,

(Rare Filosofie)

Tonin al jeve su , e al schiampe vie ,

Tirant la consequenze ,

Che se cun dug Orazi

Al manten la peraule in ste maniere ,


Galantom si pò dii di prime sfere .

29 Miar. Decol. di s. Zuan Battiste .

30 Joib. s. Rose da Lime .

31 Vin. s. Raimont Non. Conf.





S E T E M B A R.

Jev. il Sor. a or. 5. m. 27.

Tr. or. 6. m. 38.

1 Sab. s. Egidi Ab.

2 S Dom. s. Stiefin Re

3 Lun. ss. Eufemie e Comp. V. Mm.

4 Mar. s. Pelagio M. P. Q.

Se al plovès doi tre dîs come alpluf uè,

Di gnuf nus acôr l' Archie di Nòè.

Dopo vele palpade, e ripalpade,

Un trajarut, e nuje di plui,

Siore Sefe esibive d' une Quae

A un Contadin; e lui

Risolut i respuint: No, no uei dae

A un presit cussì rot,

Se ul comprale che spiferi un davot.

Siore Sefe voleve tignì duur,

Ma il vilan i scussà un corpo e fuur.

Siore Sefe prudent e si giavà,

Dopo mandà so Suur a contratà.
 Indovinait cîmut che si finì?
 Inchiantat il Contadin
 Des manieris de gnove Spindidorie,
 Quasi par chel che olè,
 Senze fa smorfiez, la Quae i vendè.
 Si viot cu l'esperienze che in chest Mont
 A trattà cu lis buinis torne cont.

5 Miar. s. Petroni V.

6 Joib. s. Denel Prof.

7 Vin. s. Anastasi M.

8 Sab. Nativitat di M. V.

9 Dom. il ss. Non di Marie. s. Gorgonio.

10 Lun. s. Nicole da Tol.

Mar. a Codroip e Bolzan.

11 Mar. s. Proto, e Iacint Mm.

12 Miar. s. Valerian M.

L. P.

Il Gran Tonant al veve decretat
 Plœ chest Colm; Saturne si ha intajat,
 E l'ha fat un sussur cussi potent,
 Che dibòt fracassave il Firmament,
 Po come Dio de l'an, di Giove Pari,

L'ha dat ordin che al sei dut al contrari.
 Al sarà dunchie il Strolig compatit
 Se qualchi so pronostic va falit;
 Quant ch'anchie chei lassù, si viot cul fat,
 E son in uè di ùs, doman di lat.

13 Joib. i ss. 7. Durmienz. Mm.

Mar. a Sacil.

14 Vin. l'Esaltazion di S. Cros.

15 Sab. s. Nicomede M.

16 Dom. ss. *Corneli, e Ciprian Mm.*

17 Lun. li s. Stimatis di s. Francesc. Conf.

18 Mar. s. Josef. di Copertin Conf. U.Q.

E cor une stagion di Paradis;

Ma o scomet che no dure doi tre dis.

Sior Drènte la visi che il Dordei

L'è rivat par la pueste cheste guot;

Prest intant che Jò prepari il pergot

Da braf oseledor che an chiapi un zeì.

Paraltri e savarà co voi e chiazze,

Se mi è tal tign dret fedel la Lune;

I fas cerchià di spess la Gialinazze.

Sior Drènte patron, buine fortune.

19 Miar. ss. Zenar. e Comp. Mm. *Timp.*

Mar. a s. Denel.


20 Joib. s. Eustachio e Comp. Mm.

Mar. a Udin nei dìs 20. e 21.

21 Vin. s. Matie.

Timp.

Soreli in Lire.



A U T U N .

Largo Parons, cun muse di vreas

Eco il Dio tracagnot, eco che al rive,

E a plene vos chiantant cul bocai ras,

Di quant in quant al umidis la pive,

Chè come amè dei chiocs, e intenditor

Al chiate il vin ch'est an miei d'un licor.

Vrèasons di cartel, che par sisteme

E ves di là a durmì plens ogni sere,

Fait come che us dìs Jò, bevit cun fleme,

Che se a cas l'ustir no lu tempere,

E chiaparès des balis di gnuf coni

Tant che ches che al chiapave Marcantoni.

Il vin l'è chel che stuzzighe il marit
 A maltratà la femine; pal vin
 Cui cu j'è mansüet si fas ardit;
 Trist, il virtuos; il savi, mat; infin
 Il vin l'è chel che no bivut cun pause
 Al devente dei mai la prime cause.

A proposit di ches^t us uei contà
 Un caset di vai plui che da ridi,
 Sucedut l'an passat sul travasà
 A un vilan che si clame Sar Egidi,
 Caset che us metarà in avvertenze
 Par no tratà cul vin in confidenze.

Vedul ches^t galantom da cirche un an
 Considerant che in chiasse la Müir
 L'è un capo necessari tant che il pan
 Par lassai de famee dut il pinsir,
 Dischiazat de la muarte lu dolor
 Si risolvè da gnuf a fa l'amor.

E dat il voli sore une vedrane
 Si sintì sul moment a brustulì;
 Di pàure che i schiampi la gubane
 Senze bruz luncs d'acordo al stabili
 La fieste nuzial di celebrà,
 Come ch'hai dit sul timp del travasà.

Savarès ch'è l'usanze in tai vilaz
 Quant che un vedul si dà une maridade
 Cun fressoris, chialdìrs, e chiadenaz
 Sot i balcons di fai la sdrondenade;
 Cussì fra ju fracass, e lis vilotis
 Lis dolcezzis d'amor son interotis.

Gran nemì Sar Egidi del sussur
 Al leve vie cul chiaf fantasticant
 Par impedì cun qualche micz sicur
 Chest abus tant fatal par un amant,
 E senze che nissun i dèd del nas
 Consumà il matrimoni in sante pas.

Steve vicin ciart Tite so Copari,
 Muse di pofarbio, cuur di leon,
 Che par bulez di fuur de l'ordenari
 I tochiave di spess a là in preson;
 Om che al pareve propi fat a pueste
 Par rompi i quars, e par sbassà la creste.
 Chest apont volontari si esibì

Di sostignì ju atacs del popolaz,
 Content par so Copari di murì.
 Fuur di sè Sar Egidi i dà un abraz
 E un regal i promet di gran valor
 Par animàlu a sei so difensor,

La vilie del biel di e si avicine,
 In facendis si viot la parentat,
 E cui cope un chiapon, cui une gialine,
 Cui prepare lis jarbis pal stofat,
 Cui grate il pan par meti tal pistun,
 E cui di man in man lu met adun.

Dopo vè lavorat la gnot interie
 Sul fa del di si unis la compaignie;
 Dal cuur di ognun bandide è la miserie
 Dut spire bon umor, dut alegrie,
 E come l'è 'l costum si sint un sbar
 Che al anunzie ai Nuviz di là a l'altar.

Plene il sen di basili, e di levande
 Lasse par dut la Spose odor di bon;
 Vistut da gnuf, e cul chiapiel in bande
 Al marchie al par lu Spòs plen d'ambizion;
 Insume a dug e doi no i manchie un et,
 E si pò dii un tire-doi perfet.

Rive in Glesie la turbe, e sore un banc
 Furnit cun un linzul i Spoos si mètìn,
 E i sta il Copari de l'anel al flanc;
 Ma l'è ca Sior Plevan, dug si quìetin,
 L'interoge i Nuviz, si sint il sì,
 La vere i sburte in det: baste cussì.

Di Glesie jessin fuur fra i sbars, e ucadis
 Circondaz dai curios, che impaziènz
 Spietin la gnot par fa lis lor buladis;
 Si sint intant sot vos dei zuramenz
 Del vedul morbinòs a onor e glorie
 Di rompi la padiele, e la fressorie.

Eco pront il gustà, eco la Spose
 Che la prime di dug si sinte in taule,
 E siben par natnre vergonzose,
 J'è la prime a mangià, e a fa pcraulte;
 La Compagnie dâur l'esempli so
 I poche dree, e mangia tant che pò.

E si acress l'alegrie a ogni pitanze,
 D'ogni cib ben condit, di gust perfet
 Nanchie par acident fregul an vanze;
 Baco intant al scomenze a fa il so chet,
 E morons, e pandòlis van in zir,
 Che dâur e si bef plui vulintir.

Cul vin al chiaf ognun al è Pöete,
 È dug uelin fa evivas d'improvis;
 Vive! cui dis, ste Cubie benedete;
 Un, vive! ju Paring, vive! ju Amis;
 E un altri: chest l'è vin jessut pe spine,
 Evive! lu Nuviz, e la Sposine.

Intant Febo l'è al fin de so trotade,
 E sudàz i chiavai al met in stale;
 Za dug son disponuz e ritirade
 Emplaz in fin al quel, e miez in bale;
 Un par un ai Nuviz strenzin la man,
 I dan la buine gnot, e a chiasse e van.

Restat sol Sar Egidi cul so amor,
 Vojòs a l'ultin segno di là in jet,
 In chiasse al fas vignì il so difensor;
 Chest passùt di pistun, e vin perfet
 Al ha in cul dut il Mont, che cul paloss
 E ju sfide un par un, magari tross!

Ma da lontan si sint la baronie
 Che si avanze chiantant cun mil stromenz;
 Il Nuviz, e Sar Tite stan in spie
 Par fa un *chivali* a chei insolenz;
 Treme la Spose come al vint la fuee,
 E i sbrisse cul sordin qualche coree.
 Come d'Istat dei vinz cul uerezà
 In un moment oribil temporal
 Si forme; za si viot a tarlupà,
 E saëtis, e tons senza interval
 Rompin i nuvolaz, chiat la tempieste
 Il contadin a regola di fieste;

Cussì dei puars Nuviz sot il balcon
 A l'improvvis un chiadeldiaul si sint;
 Cui cun vilotis met in derision
 Sar Egidi dulà che i dul il dint,
 Cui peste covertoriis, cui bat class,
 E invente ogni maniere di fa chiass.
 Si schiadene il Nuviz cul bulo Tite,
 E dug doi risoluz cu l'arme in man
 I dan tant che zujassin di purzite:
 Fin che al pò si difint ogni vilan,
 Po aviliz batin dug la ritirade,
 E lassin Sar Egidi, e'l bulo in strade.
 Sar Tite infervorat, plen di vinazze
 L'ingrampe il so compagn, e furios
 I mene a braz aviarz, quasi lu mazze.
 Soi Jò Copari, al sberle, osoi lu Spos...
 Ma in chel jess fuur cul mòcul la Nuvizze
 Par viodi il risultat de batàizze.
 Oh Dio ce colp crudel! viot il marit
 In tiare insanganat. Grame mai me!...
 Oh gnozzis di dolor!... Oh amor tradit!...
 E ciule l'infeliz, e fuur di sè
 Giavansi ju chiavei, pestansi il sen
 E cole a stramazzone il so ben;

Sore il so ben, che par fatal disdete
 Da un trop zelant copari, e trop amì
 Al veve tirat su dute che fete
 Propi sul biel moment del là a durmì:
 No si cognoss il san dal bastonat
 Han piardut il color, no i ven il flat.
 Sar Tite da om prudent, squajat l' affar,
 Zito zito se giave a la romane,
 No savint al malan chiata ripar;
 E ridint tal so cuur de chiosse strane
 In chiasse si ritire, risolut
 Di sta zidin, e cui ch' ha vut, ha vut.

22 Sab. s. Maurizio *Mar. a Alvisop. Timp.*

23 Dom. s. Lin P. M.

24 Lun. La B. V. de Mercede.

25 Mar. s. Giulian M.

26 Miar. s. Gerart Sagredo M. *L. G.*

Viet chest timp che nus va di pal in fraschie,
 Un' ore e vin seren, che altre boraschie.
 Cussì fas chel Marit, che di matine
 Trate ben la Müir che l'è un inchiant;
 Oh chiare vite me! biele nimine!

Al par che sein sposaz in chel istant ;
 Si guste in alegrie , po la Comedie
 Si finis par il solit in Tragedia.


27 Joib. ss. Cosme , e Damian M.

28 Vin. s. Vincenslao M.

29 Sab. s. Michel Arc. *Mar. a Ciyidat.*

30 Dom. s. Jaroni Dot.





O T U B A R.

Jev. il Sor. a or. 6. m. 2.

Tr. or. 5. m. 45.

- 1 **L** un. s. Remigio Vesc.
- 2 **L** Mar. i ss. Agnui Custoz
- 3 Miar. s. Dionisio Vesc.
- 4 Joib. s. Francesc d' Assisi.

P. Q.

O viot Saturno cul spinel in man...
 Ten strent par uè tu molaràs domant!
 Lunc, e sec come un Camel,
 Un pagnut par grop di quel,
 La carnagion che tire al verdulin,
 Un voli sol color d'aur di zichin,
 Bochie grande, odor di flat
 Cirche il gust del chian crepat,
 Senza ceis, e nissun dint,
 In piruche, che s' intint;
 Eco fat senza pinel
 Il ritrat di Gabriël.

- 5 Vin. s. Placit M.
 6 Sab. s. Brunon Ab.
 7 Dom: *il Ss. Rosari. s. Justine Verg.*
 8 Lun. s. Brigide Ved. *Mar. a Palme.*
 9 Mar. ss. Dionisio, e Rustic Mm.
 10 Miar. s. Francesc Borgia Conf.
 11 Joib. s. Marc P. *L. P.*

Q. Un Astronomo met ploe,
 E chel altri al met seren;
 Schielzit Vo chel che ves voe,
 Che par me dut al sta ben.
 Jò no lu nei, Sior Blas, e sarà biel,
 Fantat ben implantat, di bon aspjet,
 Ma j'è plui del bisugn curt di cerviel.
 Hai in campagne anchie Jò un Mus perfet,
 Che si dirès che al va tant ch'un uciel,
 E al par di Jè no l'ha nissun difiet,
 E pur no'l fas un pass senze il baston!...
 I plasial, Sior Blasut, il paragon?

- 12 Vin. s. Massimilian Vesc.
 13 Sab. s. Eduardo Re.
 14 Dom. la Mat. di M. V. s. Callisto P.

15 Lun. s. Teresie Verg. *Mar. a s. Denel.*

16 Mar. s. Galo Ab.

17 Miar. s. Eduvigie. *Mar. a Fontanefr.*

18 Joib. s. Luche Evang. *U. Q.*

Mar. a Udin nei dis 18 19.

Profitait Contadins del biel moment

Par quinzà viz, e semenà forment.

Di so nature sospetos, e mat

Se i par ch' une peraule i vadi in Stuart

Al devente une bestie Sior Rizzart,

E cui pugn su la muse

Manazze di là al fat,

E po l'orès che i domandassin scuse!

Sior Rizzardin i doi un avis da fradi,

Che uardi di chiatà chel del formadi

19 Vin. s. Pieri d' Alcantara.

20 Sab. s. Zuan Cantio Conf.

21 Dom. la Puritat di M. Verg.

Soreli in Scarpion.

22 Lun. s. Emidio V. M.

23 Mar. s. Zuan da Capistran Conf.

24 Miar. s. Feliz V. M.

enel.

25 Joib. ss. Crispin, e Crispinian Mm.

26 Vin. s. Francesc Ab.

L. G.

nefr.
J. Q.

Siben no si par bon mostrà cul det,

Pur l' Agnul di Chischiel al mostre fret.

Om metodic Sior Martin

No l' ha apene gustat che al va al Chiargnel;

Bevador di cartel

Al chiuchie par esordio

Un bocalut di vin,

Dopo al fas la partide cu l' amì

Finchè al chiate di di;

Ridot senze un catan, pien di vinazze

In chiasse si ritire a mieze gnot,

E al peste la müir prin di là sot.

Che puarete stuarz il nas

Lamentansi che il metodo no i plas.


27 Sab. s. Frumensio Ab.

28 Dom. ss. Simon, e Giuda Ap.

29 Lun. s. Zenobie Predi. Mar. a Codroip.

30 Mar. la B. Benvignude Bojani Verg.

31 Miar. s. Wolsango Vesc.



NOVEMBAR.

Jev. il Sor. or. 7. m. 18.

Tr. or. 5. m. 2.

¹ *Joib. Dug i Sanz:*

² *Vin. la Com. del Muarz.*

Mar. a Glemone

³ *Sab. s. Vital M.*

P. Q.

Chest l'è un timp fat a proposit

Par sta uniz sot il chiamin,

Mangià bueriis, bevi vin,

Contà flabis, e sorà.

I agns di Siore Ane son cinquantevot,

Ergo viars la vechiäe e va di trot;

Fedelissims, e costanz

Si dis che à vut quarantecing amanz,

Senz' altris di fuur vie

Par no chiadè in te monotonie;

E trente, se olin crodi a un Professor,

Son d'amor lis traversis

Che ha sofrìt tai siei bieì d'is:
Trente, quarantecing, cinquantevot,
Ce biel terno par il Lot!

4 Dom. s. Carlo Borromeo Vesc.

5 Lun. s. Zacarie Prof.

6 Mar. s. Lenart Conf.

7 Miar. s. Prosdocimo Vesc.

8 Joib. i ss. 4. Coronaz Mm.

9 Vin. la Ded. de Basil. del Salvator. L.P.

Siben che si fas viodi l'Arc Celest,
Tant jò d'is che l'è un timp chiolt a d'imprest.

Son i scherz de la nature

Veramenti stravaganz,

Studianle i viot dei slanz

Di difìcil spiegazion.

Par esempi: Menighine

Son cing mes che cun Jaroni

J'è lèade in matrimoni

Dopo un an di morosez;

Cun sorprese universal

Ex abrupto l'altre di

Un biel maschio e parturì

Blanc, e ross, e ben plantat.

*Tire jù a chiampanis rotis

De Nuvizze il vicinat,

Menighine de Citat

Deventade è la canzon.

Dug la conte a la so mode,

Dug azonz qualchi tacon:

Registrat l'è sul Schieson

De lis gnozzis l'ore, e'l di.

Pur Jaroni braf Contabil

Cu la regùle del tre

Al fas viodi il so parcè

Di chest part anticipat.

Benedete l' Aritmetiche

Che lu blanc fas parè neri!...

Chiape su minchion di Pieri

Tu dovèvis studià!

10 Sab. s. Andree Avelin.

11 Dom. il Patroc. di M. V.

s. Martin Ves.

12 Lun. s. Martin P. Mar. a Cividat.

13 Mar s. Diedo Conf.

14 Miar. s. Omobon Conf.

15 Joib. s. Geltrude.

U. Q.

La zilugne, e la glazze han chioilt possess;

Patron sior chialt! prest cuviarzinsi i uess.

Ste matine al fa del di

O durmivi tant che un Tass,

Mi pareve sei in Farnass
 Cu la Muse a contà bez.
 E chialait ce fantasie,
 Che la Muse in tal grumal
 Vess racolt il capital
 Fuur di sè par il content.
 E i disevi: cui dirès.

Ch' o ves fat tante furtune
 Cul studià sore la Lune
 Predisint il chialt, e'l fret.

Mi pareve tant che vere,
 Di fa conz, e d'investi,
 Ma Morfëo mi tradi
 Mi chiatai *in statu quo*.

16 Vin. s. Eucherio P. M.

17 Sab. s. Gregori Taumat. Vesc.

18 *Dom. la Ded. de Bas. di S. Pieri e Pauli.*

19 Lun. s. Elisabete Reg:

20 Mar. s. Feliz de Valois. *Mar. a Flambri.*

21 Miar. La Presentazion di M. V.

Soreli in Sagitari.

22. Joib. s. Cecilie V. M.

23 Vin. s. Clement P. M.

L. G.

Mi dul un cal, e mi pizzighe un dint;
 Son pichèz avanzàz di plöe o vint.

Al è un ciart che alva in smanie par sposassi,
 Nè al chiate, secont lui, di contentassi.
 Ton'ne è zovin trop; Sefe vedrane;
 Ha l'ande Teresine di vilane;
 A Rosalie i puzze il flat;
 Felicite j'è un diaul dischiadenat;
 Elene in nobiltat e no i sta al par;
 A Bete i manchie un fiar;
 Susane è senze dote;
 Jacomine ha la muse di marmote.
 Cussì il Sior Tal dei Tai
 Al justifiche i chiavai
 Che dal biel sess al chiape a batajen
 Senze podè cognossi la reson;
 Nè mai al chiaparà il so bon judizi
 Finchè no'l met la muse in chel servizi.

24 Sab. s. Grisogono M.

Mar. a Udin da 24. a 3. Decem. inclus.

25. Dom. s. Catarine V. M.

26 Lun. s. Pieri Alessandrin V. M.


27 Mar. s. Valerian Vesc.

28 Miar. s. Prosper Vesc.

29 Joib. s. Saturnin M.

30 Vin. s. Andree Ap.

Sofle
 Po
 Quar
 N
 A
 C
 C
 Jò
 Za
 Al



D E C E M B A R.

Jev. il Soreli or. 7. m. 54.

Tr. or. 4. m. 28.

1 Sab. s. Chiandit Ab.

2 S Dom. I. d' Avent. s. Bibiane. V. P. Q.

Soffe il vint, e al scomenze a nevèa;

Po dirès che no hai cuur d' indovinà!

Quant che al sta a chiase dut il dì sui stiz,

No 'l jess fuur senza il piliz,

Al mangie fin che al pò tochià cul det,

Cussi Sior Sef e si difint dal fret;

Cò mi giavin de miserie

Jò stò ben anchie in Siberie;

Za si sa che uu puar splantat

Al sint fret anchie d' Istat.

3 Lun. s. Francesc Xav. Conf.

4 Mar. s. Barbure V. M.

Mar. a s. Vit nei dis 5. e 6.

5 Miar. s. Sab. Ab.

Diz.

6 Joib. s. Nicolò de Bari Vesc.

7 Vin. s. Ambros Vesc.

Diz.

8 Sab. La Concezion di M. V.

9 Dom. II. d'Avent. s. Sirio Vesc. L. P.

Gran fret, Parons, e fret d'une misure

Di fànus colà il nas se trop al dure.

Va vantansi un quondam Sior

Di mangià par dis di lor:

Dio i conservi l'apetit,

E buine digestion, e bon profit;

Ma ce ul di che no'l vante cun nissun,

Che pal solit no'l pae nanchie par un?

10 Lun. La B. V. di Loret.

11 Mart s. Damas P.

12 Miar. s. Massenzi M.

Diz.

13 Joib. s. Lucie Verg. M., Mar. a Pord

14 Vin. s. Spiridion Vesc

Diz.

15 Sab. s. Fortunat M.

16 Dom. III. d'Avent. s. Eusebi M. U. C.

Sole sole Siore Marte

Senze paure di ste glazze

Ir matine è lade in Plazze

Par comprassi di gustà.

Cò è stade sul chianton

In volgar dit dai Uciei,

(Mi si drezzin i chiavei)

J'è colade ju a bot plen.

Van lis cotulis sul chiaf

Dit è fat in te chiadude ,
 E Madame reste nude
 Par di poc fin sot i braz .
 Tal oror di che boraschie
 Dug vedè , no son polentis ,
 Giambis , quessis , *et sequentis* ...
 Vevie anchie ce mostrà ?

- 17 Lun. s. Lazar Vesc. .
 18 Mar. Aspet. del Part di M. V.
 19 Mar. s. Nemesio Mart. *Timp.*

- 20 Joib. s. Zuan Marinon Conf.
Mar. a Udin nei dis 20. e 21.
 21 Vin. s. Tomas Ap. *Timp.*

Mar. a Pordenon .

Soreli in Capricorno. Unviar.

- 22 Sab. s. Demetrio M. *Timp.*

23 Dom. IV. d' Avent s. Vitorie V.

24 Lun. s. Lucian M. *Vilie di ueli. L. G.*

Al met Torquato Tass , se no hai let mal ,
 Bielissimis zornadis chest Nadal .


Cun cinquant' agn sunaz su pal martin ,
 Se mi permet che al disi , Siore Zuane ,
 Dovarès sei passat dut il morbin
 Cumò che la patent ha di vedrane .

ar dopo che Cupido l'ha strazzat

Par so cont di säetis un Turcass
 Tant e tant ogni dì al è sechiat,
 Par chiatäi un marit, sei magri o grass.
 Ma l'è di bant; beltat batut ha il tac;
 Za la vechiäe zoven tut e sbochie;
 In montagne al nevee; Amor l'è strac;
 Dunchie pò quant che vul netà la bochie.
 25 *Mar. Nativitat di N. S. G. C.*
 26 *Miar. s. Stiefin Prot.*
 27 *Joib. s. Zuan Ev.*
 28 *Vin. i ss. Inocenz Mm.*
 29 *Sab. s. Tomas da Cant. Vesc.*
 30 *Dom. s. Nicefor Mart.*
 31 *Lun. s. Silvestri Pp.*

CONCLUSION

O soi fuur del miò impegno, e o speri in ben;
 Che se in pronosticà, l'è stat eror
 Mitint il nul invece del seren,
 Al è colpe chel Zoc di Stampador.
 Paraltri o sint a dì da dug in plen,
 Che il Strolig l'ha fat sta di bon umor
 Che se il Cil mi conserve la bardele,
 Si vedarìn doman a une plui biele.



s.

hie.

ben;